

## **TANDA-TANDA KIAMAT KECIL(1)**

### **1. PERUTUSAN NABI MUHAMMAD S.A.W DAN KEWAFATANNYA**

Dari Abi Hurairah r.a sesungguhnya Rasulullah s.a.w bersabda : (( Diutuskan daku dan Hari Kiamat seperti dua ini –yaitu kedua jari-) lalu baginda menunjukkan jari telunjuk dan jari tengahnya. Riwayat Imam Bukhari ( 8/190 )

Dari Anas bin Malik r.a : “lalu baginda merapatkan antara jari telunjuk dan tengahnya”. Riwayat Imam Muslim ( 4/227 )

Berkata al-Imam al-Qurtubi tentang tanda-tanda kiamat : “Yang pertama ialah Nabi s.a.w kerana dia adalah nabi akhir zaman, dia telah pun diutuskan dan tiada lagi antaranya dan kiamat nabi (yang lain)”.

Dari Auf bin Malik r.a : Rasulullah s.a.w bersabda : (( Hitunglah sebelum kiamat enam perkara : kewafatanku...)) Riwayat Imam Bukhari

### **2. TERBELAHNYA BULAN**

Firman Allah s.w.t : {{ Terlalu hampir Kiamat dan telah terbelah bulan }}. Al-Qamar : 1 Berkata Ibnu Rajab : “Dan Allah telah menjadikan terbelahnya bulan daripada sebahagian tanda-tanda kiamat sebagaimana firmanNya : {{ قشناو ةعاسلا تبرتقا }} dan ianya telah terbelah di Makkah sebelum hijrah”.

Dari Abdullah bin Mas’ud r.a berkata: “Ketika kami sedang bersama Rasulullah s.a.w di Mina , tiba-tiba bulan terbelah kepada dua bahagian. Satu bahagian di belakang bukit dan sebahagian lagi di belakangnya. Lalu Rasulullah s.a.w bersabda : (( Saksikanlah -kamu sekalian-)). Riwayat Imam Muslim

### **3. KELUAR API DARI HIJAZ**

Dari Abi Hurairah r.a sesungguhnya Rasulullah s.a.w bersabda : ((Tidak akan berlaku kiamat sehinggalah keluar api dari bumi Hijaz yang cahayanya dapat menerangi leher unta di Basra)). Riwayat Imam Bukhari dan Muslim.  
(\* Basra adalah sebuah kota yang masyhur di Syam. Terletak lebih kurang tiga marhalah dari Kota Damsyik.)

Berkata al-Imam an-Nawawi : “Telah keluar di zaman kami satu api di Madinah pada tahun 654H. Ianya api yang sangat besar, dari arah timur Madinah di belakang tanah hitam. Telah tersebar ilmu tentangnya di seluruh kalangan penduduk Syam dan negeri-negeri lain, telah menceritakan kepadaku orang yang menyaksikannya di Madinah”.